

log. Rostoch. in causa Dieckmann. p.8. unde Paulus non immetito :  
Audio inter vos scissuras esse & ex parte credo. vid. Qv. i. Part.2. Probl.  
Addimus autem τὸ Temerarium ad excludendum casum necessitatis,  
qui si foret, præceptio talis non esset : qvam maxime autem illa voce  
indigitatur studium singularitatis fastuosæ, quod Exemplum Corin-  
thiorum docet v. 22. ubi species fastus allegatur, carnalis scilicet præ-  
rogativa, non exclusa alia ejus specie, simulata scilicet pietate, qua  
quis cum præsumtive malis non vult communicare, vel suæ sapien-  
tiæ id tribuit, fore ut aptius devotionis medium sibi met constituat,  
quam quod ab Institutore S. Cœnæ datum sit, communicare scilicet  
privatum.

§. 6. Quid si vero peccatum hoc Corinthiacum consideremus  
relative ratione Reatus tum culpæ, tum poenæ, videmus, reatum Cul-  
pæ ab Apostolo perstringi v. 27. per τὸ indigne manducare, & reum  
fieri Corporis & Sanguinis Domini. Ita enim textus v. 27. ὁσεὶς ὁς  
αὐτὸς εἰδὼν, quisquis ergo manducaverit ( panem hunc sacramentalem  
scilicet, qui est noua via Corporis Christi I. Cor. 10. v. 16. & cum in  
finem institutus, ut sit Communis Cibus v. 17. indeque toti Ecclesiæ  
Apostolicæ tanquam Communis Cibus exhibitus, ( loquitur enim  
institutio S. Cœnæ in plurali, sic etiam repetita ut cognoscatur cum  
quoque Communem esse mansurum : ) Qvisqvis igitur hunc sacra-  
mentalem panem manducaverit indigne, id est separistico Corinthio-  
rum more, cum fastu, contemptu Ecclesiæ, sine probatione sui &c.  
is manducando id committit, quod Institutoris IESU Christi voluntati  
ac ordinationi adversum, hoc que longe sacratissimo Epulo indignum  
est: Eoque ipso reus fit Corporis & sanguinis IESU Christi, id est man-  
ducando & bibendo indigne, peccat omnium gravissime contracor-  
pus & sanguinem IESU Christi, non, ut vult Piscator in h.l. f. 540. in  
Symbola, ut contumelia eorum in res significatas redundet, non se-  
cūs ac Imperator sibi ipsi id factum esse putat, si quis ejus literas con-  
spurceret aut Legatum violet; vid. etiam Calvinus in Inst. Christ. Re-  
lig. l. 4. c. 17. §. 40. sed peccata in ipsas res significatas, hoc est, di-  
vine præsentes, sc. Corpus & sanguinem IESU Christi, & qvidem  
manducando & bibendo, non ipsa modo prodendo, qvum se in Ecclesiæ  
conubernium, quasi Christianus esset, ingessit, ut loquitur Zwing-  
lius in h.l. f. 475. neque tantum repudiando, sperrando, ac abuten-